

Širawt ta iktab Buləs i Filemona

Šihulawen

¹⁻² Awa nak Buləs, imosan amaskasaw fəl əddəlil n Elməsix Ƴaysa, nak d əmidi-nana daƷ əzəgzan Timotay, ənnanen əhulan-in əməri-nana Filemona n əmadhal-nana, d Elkənisat ta tətamanayat daƷ ahan-nak. Nəhul-in deƷ təmidit-nana daƷ əzəgzan Affəya d Arxifus əmadhal-nana daƷ təbəllant. ³ Izazzabbat-du fall-awan Məššina di n Abba-nana əd Ƴaysa Elməsix, Əməli-nana, arraxmat d alxer.

Tara d əzəgzan ən Filemona

⁴ Əmidi-nin Filemona faw id əggaza šin igi ən təwatriwen a kay daƷ-asnat d-əkatta ətigudəya y Əməli-nin. ⁵ Fəlas əslêƷ tara ta təgeƷ y aytedan kul win əlkamnen y Əməli Ƴaysa, d əzəgzan wa sər-əs təge. ⁶ Šiwatriwen-in ətaggaq-qanat fəl ad təgrəwa s əlləllu-nak, wa d-igmadan əzəgzan-nak, əgərri iknan tənəddawt, n al-baraka kul wa nəla daƷ ənəmənnak-nana əs ləkkum y Elməsix. ⁷ Tara ta kay-təhat amidi-nin teway-du sər-i tədəwit agget d allam fəl man, təssismada deƷ iwallan n aytedan kul win əlkamnen i Ƴaysa Elməsix.

Efsan ən Buləs Onesim

⁸ Awen daƷ a fəlas kud imos as tartəyt-in d Elməsix təkfi fərregat n a kay-aməra

s arat wa ihoran, ⁹ da əssofaɣ ad imos as agamay ɣas a daɣ-ak z'aga a di-taga tənəfust fəl əddəlil n ənəmərə wa nəga. Nak Buləs imosan almawakkil n Əlməsix Ƴaysa əhe kasaw əmərədda fəl əddəlil-net, ¹⁰ əgmâya daɣ-ak a di-taga tənəfust daɣ talɣa n Onesim, wa ɣur-ək d-iddərragan, imosan barar-in daɣ əzəgzan fəlas tarrayt ta n Ƴaysa Əlməsix a daɣ t-əge harwa a ɣur-i illa da da daɣ kasaw. ¹¹ Kala a dak-ku-wər-təha tənfa mišan əmərədda təh-anaq-qu, gər za i kay wala i nak.

¹² Əmərədda əssoɣalaɣ-ak-k-in imos aganna-nin. ¹³ Əsidarana a ɣur-i illa da da iket əhe kasaw fəl əddəlil n Əlinjil, a di-ilal daɣ adag-nak. ¹⁴ Mišan wər areɣ igi n adi ar əs turagat-nak fəlas wər areɣ a kay-əşəhhəşşəla əmazal a, olaɣan a, əssofa a tu-taga gar-ek əd man-nak. ¹⁵ Mijas Onesim wər dak-iga arat n afel, ar fəlas as kay-in-iqqal, a ɣur-ək aqqam har faw, ¹⁶ əmərədda wər imos akli ɣas, ogar akli, əmidi-nin daɣ əzəgzan n əməri-nin a imos. Wala nak əknêq-qu tara wəllen əngəm za kay a das-issərtayan tara ta n as imos akli-nak imos deɣ əmidi-nak daɣ əzəgzan s Əməli. ¹⁷ Daɣ adi kud amidi-nak daɣ əzəgzan a əmosa wədi əqbəl-tu təttəfaɣ-qu daɣ adag wa daɣ-i təttafa. ¹⁸ As imos as iɣşâd-ak arat made tərwâsaɣ-as-tu wədi nak a daq-qu təssana. ¹⁹ Arat wa əfus wa-nu nak Buləs as t-əktaba: nak a dak-z-irzəman. Kud ira wər kay-d-əssəktay as kay təməddurt-nak iman-net a daɣ-ak əle. ²⁰ Əgmâya daɣ-ak əmidi-nin a di-taga tənəfust ta fəl udəm n Əməli. As di-təgeɣ adi fəl əddəlil ən tartəyt ta nəga daɣ Əlməsix a di-

taləma fəl man. ²¹ As dak-in-əkattaba širawt ta əkkasəy aššak as arat wa daḡ-ak in-əgammaya da a di-tu-taga ənta madəḡ a t-ogaran. ²² Əgmâya daḡ-ak dəḡ a din-təsəmmutəga edag ən təḡimit fəlas ordəḡ as a kawan-in-ətəwəsuxəla as iqbal Məššina šiwatriwen-nawan.

Šihulawen šin əlkamnen

²³ Ebafras wa n əmidi-nin daḡ kasaw fəl əddəlil n Əlməsix Ḡaysa, issislam-in fall-ak, ²⁴ ənta əd Markus d Aristarxus əd Demas əd Luḡa əmosnen imadhalan-in daḡ əššəḡəl. ²⁵ Izazzabbat-du fall-awan Əməli Ḡaysa Əlməsix arraxmat-net.

**Ἐλινῖλ ὠν Ὑᾱσᾱ Ἐλμᾱσῖᶜ Ἰτᾱᵱᾱᵅᵅ-ᾱᶜ ḁᶜᶜ
Ἀᵱᾱᵱᾱᵅ ᵱᾱ Ἀᶜᶜᶜᶜᶜ
**Tamajaq, Tawallammat: Ἐλινῖλ ὠν Ὑᾱσᾱ Ἐλμᾱσῖᶜ
Ἰτᾱᵱᾱᵅ-ᾱᶜ Ἀᵱᾱᵱᾱᵅ ᵱᾱ Ἀᶜᶜᶜᶜᶜ New Testament
Le Nouveau Testament en tamajaq tawallammat,
écriture latine****

copyright © 2015 Wycliffe Bible Translators, Inc.

Language: Tamajaq, Tawallammat

Contributor: SIM International

All rights reserved.

2020-12-01

PDF generated using Haiola and XeLaTeX on 22 Feb 2024 from source
files dated 29 Jan 2022

3aaeb7b2-4a3b-51fe-8c2d-ed8c05d4be0f